



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 90. Sodalitates a Papa vel erectæ, vel confirmatæ.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

tionem libros aliquos legere, aut habere. Quodsi quis libros hæreticorum, vel cujusvis auctoris scripta, ob hæresim, vel ob falsi dogmatis suspicionem damnata, atque prohibita legerit, sive habuerit, statim in excommunicationis sententiam incurrat: qui vero libros alio nomine interdictos legerit, aut habuerit, præter peccati mortalis reatum, quo afficitur, iudicio Episcoporum severe puniatur.

Sæcul. XVI.
A. C. 1564.

Observandum venit, quod hic Index in Galliis rursus nullius auctoritatis sit, proin in hoc Regno libri ibidem condemnati absque peccati reatu libere legi valeant, dummodo ex seipsis periculum non afferant, id vero si foret, tunc non ex eo, quod Romæ librorum Indici fuerint inserti, eorum lectio est prohibita, sed ex eo tantum, quia periculum in eorum lectione occurrit. (*)

§. XC.

Sodalitates a Papa vel erectæ, vel confirmatæ.

Aliud insuper diploma edidit Pius IV. Bullar. vet. quo celebrem in Hispaniis Sodalitatem Nominis Jesu confirmavit, ac ^{13.} Bur- *Ciacon.* pag. 880.

(*) Hæc animadversio sane magna observatione, non autem Scriptore Catholico digna est.

Sæcul. XVI.
A.C. 1564.
 Burgenses, aliarumque civitatum Sodalitates in eodem Regno pluribus, iisque amplissimis privilegiis locupletavit: porro illi, qui huic Sodalitati nomen dabant, juramenta, nisi in gravi necessitate, causisque urgentibus, præpedire adstringebantur: insuper aliam Sodalitatem confirmavit, quæ in Fratrum Minorum Conventualium Ecclesia ad SS. duodecim Apostolos dicta Romæ jam antea in honorem Sanctissimi Sacramenti, atque in oppressorum, & pauperum mendicare erubescantium sublidium erecta erat; ejusmodi enim miseris Sodales hi succurrere tenentur: porro hanc Sodalitatem imposterum sub Sanctorum duodecim Apostolorum invocatione celebrari voluit Pontifex, qui etiam paulopost præceperat, ut hæc Sodalitas Sanctissimi Sacramenti venerationem cederet Sodalitati Corporis Christi a Paulo III. Pontifice olim erectæ in Ecclesia Beatæ Mariæ supra Minervam Ordinis Prædicatorum, ipsa vero deinceps duntaxat pauperum, atque egenorum curam sibi reservaret, quam diligentissime etiamnum exercet. Denique idem Pontifex in omnibus Archiepiscopalibus, & Episcopalibus Ecclesiis juxta Tridentinæ Synodi decreta pro juvenibus Clericis tam in literis, quam in pietate imbuendis seminaria erigi.

erigi curabat, quam in rem die decima quarta Julii ad Joannem Patriarcham Venetum, & die vigesima secunda ejusdem Mensis ad Antonium Albonum nominatum Lugdunensem Archiepiscopum literas dabat, ut vero ceteri ipsius exemplo ad pium hoc opus excitarentur, ipse Romanum Seminarium condidit, cujus curam Jesuitis committi posse arbitrabatur.

§. XCI.

Initia Oratorii a S. Philippo Nerio erecti.

Pius IV. Pontifex, cum ejusdem Ze-
 lus hisce operibus satiari haud pos-
 set, sancto quoque Philippo Nerio pro-
 ficuam præstitit operam in erigenda ejus
 Congregatione, quæ ad regularem vi-
 vendi normam hoc anno millesimo quin-
 gentesimo sexagesimo quarto redigi cæ-
 perat: porro hic idem sanctus Anno
 Christi millesimo quingentesimo deci-
 mo quinto die vigesima secunda Julii
 Florentiæ ex nobili Etruriæ familia na-
 tus erat, atque humaniorum literarum
 curriculo in patria sua confecto Romam
 veniens cum tanto profectu Philoso-
 phiæ, ac Theologiæ Scholasticæ ope-
 ram navabat, ut ferme omnes, qui
 Romæ celebriores erant, hujus Viri
 amicitiam sibi demereri certarent: Phi-
 lippus

Sæcul XVI.
 A. C. 1564.

Raynald.
 hoc ann. n. 5.
 Galonius in
 vita S. Phil.
 ann. 1564.